



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o prihvatanju Pokroviteljstva 2. Festival svjetla Sarajevo
(Prijedlog)

Predlagač: Gradonačelnica
Obrađivač: Stručna služba za poslove kabineta
i poslove Gradske uprave

Sarajevo, juni 2024. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) točka b) Statuta Grada Sarajeva („Službene novine Kantona Sarajevo“, broj 7/23), te člana 2. stav (4), a u vezi sa članom 4. stav (3) Odluke o uslovima i postupku prihvatanja pokroviteljstva Grada Sarajeva („Službene novine Kantona Sarajevo“, broj 5/06), Gradsko vijeće Grada Sarajeva, na __. sjednici održanoj dana __. __. 2024. godine, donijelo je:

(Prijedlog)

**Odluku
o prihvatanju Pokroviteljstva 2. Festival svjetla Sarajevo**

Član 1.

Ovom odlukom Gradsko vijeće Grada Sarajeva prihvata Pokroviteljstvo za finansijsku podršku realizaciji projekta 2. Festival svjetla Sarajevo, koji će se održati u Zemaljskom muzeju BiH u periodu od 25. novembra 2024. do 01. marta 2025. godine.

Član 2.

Finansijska sredstva za pokroviteljstvo iz člana 1. ove odluke odobravaju se Fondaciji „Sarajevo Navigator“ u ukupnom iznosu od 50.000,00 KM (slovima: pedesethiljada i 00/100 KM).

Član 3.

Sredstva iz člana 2. ove odluke odobravaju se iz Budžeta Grada Sarajeva za 2024. godinu („Službene novine Kantona Sarajevo“, br. 55/23 i 13/24), sa pozicije: 614300: Tekući transferi neprofitnim organizacijama: Primjena Odluke o uslovima i postupku prihvatanja pokroviteljstva Grada Sarajeva.

Član 4.

Gradonačelnica Grada Sarajeva će sa organizatorom manifestacije iz člana 2. ove odluke zaključiti poseban Ugovor kojim će se regulirati međusobna prava i obaveze.

Član 5.

Za realizaciju ove odluke zadužuje se gradonačelnica Grada Sarajeva putem Stručne službe za poslove kabineta i poslove Gradske uprave i Gradske službe finansija.

Član 6.

Odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

Broj:
Sarajevo, __. __. 2024. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 31. stav (1) tačka b) Statuta Grada Sarajeva kojim je propisano da Gradsko vijeće donosi odluke, druge propise i opće akte i daje njihovo tumačenje, te u članu 2. stav (4), a u vezi sa članom 4. stav (3) Odluke o uslovima i postupku prihvatanja pokroviteljstva Grada Sarajeva kojim je, između ostalog, propisano da konačnu Odluku o prihvatanju Pokroviteljstva uz finansijske obaveze Grada Sarajeva u iznosima većim od 25.000,00 KM donosi Gradsko vijeće Grada Sarajeva.

RAZLOZI DONOŠENJA

Fondacija „Sarajevo Navigator“ uputila je Gradskoj upravi Grada Sarajeva molbu za finansijsku podršku realizaciji projekta 2. Festival svjetla Sarajevo, zaprimljenoj pod brojem: 10-11-3681/24 od 19.04.2023. godine, a koji će se održati u Zemaljskom muzeju BiH u periodu od 25. novembra 2024. do 01. marta 2025. godine. Uz zahtjev dostavljena je i potrebna dokumentacija u skladu sa Pravilnikom o kriterijima za prihvatanje Pokroviteljstva Grada Sarajeva („Službene novine Kantona Sarajevo“, broj 32/17), kao i budžet projekta sa specifikacijom troškova kojim se od Grada Sarajeva traži iznos od 50.000,00 KM, i to za: trošak angažiranja umjetnika koji učestvuju na Festivalu, uključujući i transport djela od Sarajeva i natrag i zakup tradicionalnih medija (OOH, radio oglašavanje).

Festival svjetla održan je prvi put u Zemaljskom muzeju BiH u periodu od 25.11.2023. godine – 01.03.2024. godine i predstavlja jedinstven kulturno – zabavni događaj koji je tokom tri mjeseca trajanja privukao više od 52.000 posjetitelja kako domaćih tako i stranih turista svih generacija, nastao po uzoru na događaje u botaničkim vrtovima u New Yorku, Londonu, Berlina...

Namjera je, da i ove godine 2. Festival svjetla Sarajevo bude događaj koji će značajno obogatiti kulturno – zabavnu i turističku ponudu Sarajeva u zimskom periodu i kojim će se afirmisati bogato bosansko-hercegovačko prirodno i kulturno-historijsko naslijeđe. Festival svjetla Sarajevo jedinstven je po kombiniranju komercijalne rasvjete sa radovima umjetnika, dužini trajanja, ali i namjeri da u budućnosti izađe i izvan okvira Muzeja i „osvijetli cijelo Sarajevo“.

Gradska služba za lokalno poslovanje, u skladu sa članom 4. Odluke o uslovima i postupku prihvatanja pokroviteljstva Grada Sarajeva, razmotrila je dostavljeni zahtjev sa stanovišta značaja za Grad Sarajevo, odnosno sa stanovišta promoviranja njegovih interesa u skladu sa Pravilnikom o kriterijima za prihvatanje Pokroviteljstva Grada, te utvrdila da Fondacija „Sarajevo Navigator“ ispunjava opće i posebne kriterije iz Pravilnika, nakon čega je aktom broj: 07-11-3681-/24 od 08.05.2024. godine uputila Prijedlog gradonačelnici Grada Sarajeva za pokroviteljstvo sa visinom odobrenih sredstava.

Imajući u vidu naprijed izneseno te cijeneći značaj navedenog događaja za Grad Sarajevo, Gradsko vijeće Grada Sarajeva je, shodno Odluci o uslovima i postupku prihvatanja pokroviteljstva Grada Sarajeva, donijelo ovu odluku.

FINANSIJSKA SREDSTVA

Finansijska sredstva za realizaciju ove odluke obezbijedena su u Budžetu Grada Sarajeva za 2024. godinu na poziciji 614300: Tekući transferi neprofitnim organizacijama: Primjena Odluke o uslovima i postupku prihvatanja pokroviteljstva Grada Sarajeva.